



სატენდერო დოკუმენტაცია

საქართველოს საგარეო საქმეთა სამინისტროსათვის
“P-PANEL 24, UTP CAT KT5E ტიპის ქსელის კაბელი, FTP კაბელი”(CPV
კოდები: 32420000,32421000)

გამარტივებული ელექტრონული ტენდერის საშუალებით შესყიდვა

თბილისი 2011 წელი

სარჩევი:

1. საკვალიფიკაციო მონაცემები..... 3
2. საქონლის რაოდენობა, მიწოდების ვადა, მიწოდების ადგილი.....4
3. ტექნიკური პირობები.....6
4. ფასების ცხრილი.....10
5. ხელშეკრულების პირობები.....12
6. სატენდერო დოკუმენტაციის შესახებ დამატებითი ინფორმაცია და განმარტებების მოთხოვნის საშუალებები და პროცედურა.....18
7. სატენდერო კომისიის აპარატის იმ წევრის ვინაობა და საკონტაქტო ინფორმაცია, რომლებსაც უფლება აქვს გასცეს ინფორმაცია და განმარტებები შესყიდვის პროცედურების შესახებ19
8. აფიდავიტი სატენდერო წინადადების დამოუკიდებლად განსაზღვრის თაობაზე.....20

გამარტივებული ელექტრონული ტენდერით, “P-PANEL 24,UTP CAT KT5E ტიპის ქსელის კაბელი, FTP კაბელი”(CPV კოდი: 32420000, 32421000) შესყიდვა განხორციელდება“სახელმწიფო შესყიდვების შესახებ“ საქართველოს კანონის და „გამარტივებული შეყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად. (იხ. ვებგვერდი www.procurement.gov.ge)

საკვალიფიკაციო მონაცემები

1. საკვალიფიკაციო მონაცემები უნდა შეიცავდეს შემდეგ ცნობებსა და ინფორმაციას:

1.1. იურიდიული პირთათვის:

- ა) ცნობას, რომ მის მიმართ არ მიმდინარეობს გადახდისუუნარობის საქმის წარმოება. (ცნობა სასამართლოდან)
- ბ) ცნობას, რომ მის ქონებაზე არ არის დადებული ყადაღა ან ხორციელდება საჯაროსამართლებლივი შეზღუდვა.(ცნობა საჯარო რეესტრის ეროვნული სააგენტოდან)
- გ) ცნობას, რომ მის მიმართ არ ხორციელდება რეორგანიზაცია ან/და ლიკვიდაცია. (ცნობა საჯარო რეესტრის ეროვნული სააგენტოდან)

1.2. ფიზიკურ პირთათვის:

- ა) ცნობა შსს-დან, რომ იგი უკანასკნელი 5 წლის განმავლობაში არ იყო მსჯავრდებული და მოცემულ მომენტში მათ მიმართ არ მიმდინარეობს სისხლის სამართლის საქმე ეკონომიკურ ან სამსახურებრივ საქმიანობასთან დაკავშირებული დანაშაულისათვის.
- ბ) ცნობა, რომ მის მიმართ არ მიმდინარეობს გადახდისუუნარობის საქმის წარმოება (ინდ. მეწარმის შემთხვევაში).
- გ) ცნობა შესაბამისად უფლებამოსილი სამედიცინო დაწესებულებიდან, რომ ფიზიკური პირი ქმედითუნარიანია.
- დ) პირადობის დამადასტურებელი მოწმობის ან პასპორტის ასლი;

1.3. იურიდიული და ფიზიკური პირთათვის:

- ა) პრეტენდენტის დასახელება, იურუდიულ მისამართი, საბანკო რეკვიზიტები, ხელმძღვანელის სახელი და გვარი.

საქონლის რაოდენობა, მიწოდების ვადა, მიწოდების ადგილი.

*საქონლის მიწოდების ვადა 5 კალენდარული დღე ხელშეკრულების გაფორმებიდან;

№	საქონლის დასახელება	რაოდენობა	მიწოდების ადგილი	მიწოდების ვადა
1	P-PANEL 24	8(ცალი)	საგარეო საქმეთა სამინისტრო შ.ჩიტაძის ქ.№4	5 კალენდარული დღე ხელშეკრულების გაფორმებიდან
2	UTP CAT KT5E ტიპის ქსელის კაბელი	2 ყუთი-(610 მეტრი)		
3	FTP კაბელი	5980 მეტრი		

ზემოთ ჩამოთვლილი მოთხოვნების შესაბამისად პრეტენდენტმა ერთიანი
ელექტრონული სისტემით უნდა წარმოადგინოს:

1. ინფორმაცია მსგავს შესყიდვაში მონაწილეობის მინიმუმ 3 წლიანი
გამოცდილების და ანალოგიური საქონლის მიწოდების შესახებ;
2. მისაწოდებელ საქონელზე საგარანტიო მომსახურების პირობები;

მიმწოდებლის ხელმოწერა და ბეჭედი

ფასების ცხრილი

№	საქონლის დასახელება	განზომილების ერთეული	რაოდენობა	ერთეულის ღირებულება (ლარი)	საერთო ღირებულება (ლარი)
1	P-PANEL 24	ცალი	8(ცალი)		
2	UTP CAT KT5E ტიპის ქსელის კაბელი	ყუთი	2 ყუთი-(610 მეტრი)		
3	FTP კაბელი	მეტრი	5980		

1. ფასების ცხრილი ივსება მიმწოდებლის მიერ. ღირებულება მითითებულ უნდა იქნეს ლარებში საქართველოს კანონმდებლობით დადგენილი ყველა გადასახადის და ტრანსპორტირების ხარჯების გათვალისწინებით.
2. მიმწოდებელსა და შემსყიდველს შორის გაფორმებული ხელშეკრულების საბოლოო ღირებულება დგინდება ელექტრონული ვაჭრობის დამატებითი რაუნდების დამთავრების შედეგად დადგენილი საბოლოო ღირებულების შესაბამისად და ხელშეკრულების „დანართ №1“-ში, რომელიც ჩამოყალიბდება საბოლოო ღირებულების შესაბამისად, ერთეული და საერთო პირველადი ღირებულების ცვლილება (რომელიმე პოზიციაზე) დაუშვებელია ზრდის მიხედვით.

მიმწოდებლის ხელმოწერა და ბეჭედი

სახელმწიფო შესყიდვის შესახებ ხელშეკრულების პროექტი

ქ.თბილისი

--- ----- 2011წელი

ერთის მხრივ საქართველოს საგარეო საქმეთა სამინისტრო, წარმოდგენილი მინისტრის მოადგილე ლევან დავითულიანის სახით (შემდგომში - „შემსყიდველი“) და მეორეს მხრივ შპს „-----“, წარმოდგენილი დირექტორის ----- სახით (შემდგომში - „მიმწოდებელი“) დებენ წინამდებარე ხელშეკრულებას შემდეგზე:

1. ხელშეკრულების საგანი

ხელშეკრულების საგანს წარმოადგენს საქართველოს საგარეო საქმეთა სამინისტროს საჭიროებისათვის “P-PANEL 24, UTP CAT5 ტიპის ქსელის კაბელი, FTP კაბელი”(CPV კოდი: 32342200, 32420000, 32421000) მიწოდება;

2. ხელშეკრულების ღირებულება

2.1. ხელშეკრულების ღირებულება შეადგენს----- (----) ლარს;

2.2. საქონლის ერთეულის ღირებულება მოცემულია „დანართი №1“ -ში რომელიც წარმოადგენს ხელშეკრულების ნაწილს;

2.3. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი ტრანსპორტირების ხარჯების გათვალისწინებით, რომლის გადახდაც ეკისრება „მიმწოდებელს“;

3. საქონლის ოდენობა, სახეობა და მიწოდების პირობები

„შემსყიდველის“ საჭიროების შესაბამისად „მიმწოდებელი“ უზრუნველყოფს “P-PANEL 24-ის ,UTP CAT5 ტიპის ქსელის კაბელის, FTP კაბელის”(CPV კოდი: 32342200, 32420000, 32421000) მიწოდებას მიმდინარე წლის ----- შემდეგ მისამართზე: ქ.თბილისი, საგარეო საქმეთა სამინისტრო შ.ჩიტაძის ქ.№4;

3.1. „საგარანტიო პერიოდი“:

3.1.1. „მიმწოდებელი“ საქონელზე უზრუნველყოფს მწარმოებლის მიერ დადგენილ საგარანტიო მომსახურებას;

3.1.2. დეფექტის შემთხვევაში „მიმწოდებელი“ საკუთარი ხარჯებით უზრუნველყოფს დეფექტური საქონლის შეცვლას

4. ანგარიშსწორების ფორმა და ვადები

4.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

4.2. „მიმწოდებელი“ ფაქტიურად მიწოდებული საქონლის თაობაზე „შემსყიდველთან“ ადგენს მიღება-ჩაბარების აქტს, რის საფუძველზეც „მიმწოდებელი“ „შემსყიდველს“ წარუდგენს საგადასახადო დოკუმენტს (ანგარიშ-ფაქტურა, სასაქონლო ზედნადები) საგადასახადო კოდექსით დადგენილი წესითა და ვადით;

4.3. „მიმწოდებელთან“ ანგარიშსწორება ხორციელდება მიღება -ჩაბარების აქტის გაფორმებიდან 15 სამუშაო დღის ვადაში;

5. შესყიდვის ობიექტის მიღება-ჩაბარების წესი

5.1. „შემსყიდველი“ მიღებული საქონლის თაობაზე ყოველ ეტაპზე „მიმწოდებელთან“ ადგენს მიღება-ჩაბარების აქტს;

5.2. შესყიდვის ობიექტის მიწოდებად ჩაითვლება მიღება-ჩაბარების აქტის საფუძველზე „შემსყიდველის“ მიერ იმ საქონლის მიღება, რომელიც უნდა მიაწოდოს „მიმწოდებელმა“ ამ ხელშეკრულების მე-3 მუხლით გათვალისწინებული პირობებითა და წესით;

5.3. შესყიდვის ობიექტის მიღების დროს საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს „მიმწოდებელი“;

5.4. ხელშეკრულების მე-4 მუხლის 4.2. პუნქტის შეუსრულებლობის შემთხვევაში არ მოხდება თანხის გადახდა, ხოლო საკითხის 10 დღის ვადაში მოუგვარებლობის შემთხვევაში „შემსყიდველის“ მიერ მიიღება გადაწყვეტილება ხელშეკრულების შეწყვეტის შესახებ;

6. მხარეთა უფლებები

6.1. „მიმწოდებელს“ უფლება აქვს:

6.1.1. სახელშეკრულებო ღირებულების ფარგლებში მოითხოვოს ფაქტიურად მოწოდებული საქონლის ღირებულების დროული გადახდა;

6.2. „შემსყიდველს“ უფლება აქვს:

6.2.1. მოითხოვოს ხარისხიანი საქონლის მიწოდება ხელშეკრულებით გათვალისწინებულ ვადაში;

6.2.2. აწარმოოს ხელშეკრულების პირობების შესრულების მონიტორინგი;

7. მხარეთა ვალდებულებები:

7.1.1. დროულად და ხარისხიანად შეასრულოს ხელშეკრულებით განსაზღვრული პირობები.

7.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

7.2. „შემსყიდველი“ ვალდებულია:

7.2.1. უზრუნველყოს „მიმწოდებლისათვის“ თანხის გადახდა ხელშეკრულების მე-4 მუხლის 4.2. და მე-6 მუხლის 6.1.1. პუნქტის შესაბამისად.

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან

8. ფორს-მაჟორი

8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება

შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, „შემსყიდველის“ საბიუჯეტო ასიგნებების მკვეთრი შემცირებით და სახვა.

8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შტყობინება ასეთი გარემოებების და მათი გამომწვევი მიზეზების შესახებ.

9. ხელშეკრულების პირობების და ღირებულების გადასინჯვა

9.1. თუ წინასწარი გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

9.2. სახელმწიფო შესყიდვის შესახებ დადებული ხელშეკრულების პირობების შეცვლა დასაშვებია:

ა) საქართველოს სამოქალაქო კოდექსის 398-ე მუხლით დადგენილი შემთხვევების დროს;

ბ) საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

9.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

10. სადავო საკითხების გადაწყვეტა

10.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა შეთანხმებით მოგვარონ ყველა უთანხმოება დავა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ;

10.2. თუ „შემსყიდველი“ და „მიმწოდებელი“ ვერ შეძლებენ 30 დღის ვადაში სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით, შეუძლია დადგენილი წესის მიხედვით მიმართოს საქართველოს საერთო სასამართლოს.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შტყობინების მიმღებმა მხარემ 10 დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის(შეთანხმების) გზით.

12. მხარეთა მიერ ვალდებულებების შეუსრულებლობა

12.1. „შემსყიდველი“ უფლებამოსილია ხელშეკრულებით ნაკისრი პირობებისა და ვალდებულებების შეუსრულებლობის ან/და არაჯეროვნად შესრულების გამო დააკისროს „მიმწოდებელს“ პირგასამტეხლო სახელშეკრულებო ღირებულების 1%-ის ოდენობით;

12.2. „შემსყიდველი“ უფლებამოსილია ხელშეკრულებით ნაკისრი პირობებისა და ვალდებულებების შესრულების ვადების გადაცილების შემთხვევაში დააკისროს „მიმწოდებელს“ პირგასამტეხლო ხელშეკრულების შეუსრულებელი ნაწილის ღირებულების 0.5%-ის ოდენობით ყოველ გადაცილებულ დღეზე.

12.3. გადახდის ვადის გადაცილების შემთხვევაში „მიმწოდებელი“ უფლებამოსილია დააკისროს „შემსყიდველს“ პირგასამტეხლო გადაუხდელი თანხის 0.5%-ის ოდენობით ყოველ გადაცილებულ დღეზე.

12.4. იმ შემთხვევაში თუ ვადების გაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 3%-ს, „შემსყიდველს“ ან/და „მიმწოდებელს“ უფლება აქვთ შეწყვიტონ ხელშეკრულება;

12.5. საჯარიმო თანხების გადახდა არ ათავისუფლებს მხარეებს ძირითადი ვალდებულებების შესრულებისაგან;

13. ხელშეკრულების კონტროლი

13.1. ხელშეკრულების შესრულების კონტროლს განახორციელებს ინსპექტირების ჯგუფი.

13.2. „შემსყიდველის“ ან მის წარმომადგენლებს უფლება აქვთ განახორციელონ მიწოდებული საქონლის ხარისხის კონტროლი.

13.3. მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის (ინსპექტირების) ჩატარებისათვის აუცილებელი პერსონალით, სხვა სამუშაო პირობებით.

იმ შემთხვევაში, თუ „შემსყიდველი“ კონტროლის (ინსპექტირების) მიზნით, გამოიყენებს საკუთარ ან მოწვეულ პერსონალს მის შრომით ანაზღაურებას უზრუნველყოფს თვით „შემსყიდველი“.

13.4. მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

14. ხელშეკრულების ენა

14.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15. ხელშეკრულების შეწყვეტა

15.1. ხელშეკრულება შეწყვეტილ იქნეს:

ა) მხარეთა შეთანხმებით;

ბ) საქართველოს მოქმედი კანონმდებლობით და ამ ხელშეკრულებით გათვალისწინებული სხვა შემთხვევებში;

16. ხელშეკრულების მოქმედების ვადა

წინამდებარე ხელშეკრულება ძალაშია მხარეთა ხელმოწერის დღიდან და მოქმედებს 2011 წლის 31 დეკემბრის ჩათვლით.

17. განსაკუთრებული პირობები

18.1. ხელშეკრულება შედგენილია -- გვერდზე, სამი თანაბარი იურიდიული ძალის მქონე ეგზემპლარად და ინახება ერთი პირი „მიმწოდებელთან“ ორი პირი „შემსყიდველთან“.

„შემსყიდველი“

„მიმწოდებელი“

საქართველოს საგარე საქმეთა

სამინისტრო

სატენდერო დოკუმენტაციის შესახებ დამატებითი ინფორმაცია

1. იურიდიული და ფიზიკური პირი ვერ გაივლის შერჩევა/შეფასებას, თუ დადგენილ ვადებში არ წარმოადგენს საკვალიფიკაციო მონაცემებით მოთხოვნილ ყველა ცნობას და ინფორმაციას, ან რომელიმე მათგანი ყალბი აღმოჩნდება და ვერ დააკმაყოფილებს სატენდერო დოკუმენტაციით მოთხოვნილ პირობებს.
2. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
3. შემსყიდველი ორგანიზაციის მიერ პრეტენდენტთა სატენდერო წინადადებების წარდგენის ალტერნატიული წესი არ განიხილება.
4. წინადადების წარდგენა შესაძლებელია მხოლოდ სისტემის მეშვეობით აფიდავიტის პირობებზე დათანხმების, ელექტრონული გარანტიის წარდგენის, რომლის მოქმედების ვადა განისაზღვრება არანაკლებ 30 კალენდარული დღე წინადადების მიღება დაწყებულია ეტაპიდან და საფასურის გადახდის შემდეგ.
5. სატენდერო წინადადებაში საერთო და ერთეულის ფასი გამოსახულ უნდა იყოს ლარებში (საქართველოს კანონმდებლობით დადგენილი ყველა გადასახადების და ტრანსპორტირების ხარჯების გათვალისწინებით).
6. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და საკვალიფიკაციო მონაცემები წარმოადგენილი იქნას ქართულ ენაზე. უცხო ენაზე წარმოადგენის შემთხვევაში, თან უნდა დაერთოს ქართულ ენაზე ნათარგმნი ვერსია დამოწმებული ნოტარიული წესით.
7. სატენდერო წინადადებების შერჩევა/შეფასებისათვის სხვადასხვა ვალუტაში გამოსახული წინადადებები არ განიხილება.
8. შემსყიდველის მიერ მოთხოვნილი ნებისმიერი ინფორმაცია ან/და დოკუმენტი, რომელიც აიტვირთება ერთიან ელექტრონულ სისტემაში დამოწმებული უნდა იყოს ბეჭდით და ხელმოწერილი მიმწოდებლის უფლებამოსილი პირის მიერ.

სატენდერო კომისიის აპარატის იმ წევრის ვინაობა და საკონტაქტო ინფორმაცია, რომლებსაც უფლება აქვს გასცეს ინფორმაცია და განმარტებები შესყიდვის პროცედურების შესახებ

1. დამატებითი ინფორმაცია დაინტერესებულ პირებს შეუძლიათ მიიღონ საქართველოს საგარეო საქმეთა სამინისტროში, მისამართზე: ქ. თბილისი, შიო ჩიტაძის ქუჩა №4, საქართველოს საგარეო საქმეთა სამინისტრო, მე-3 სართული ოთახი №316, ტელ: 294 50 00; ext. 25-16; 25-17; საკონტაქტო პირი: მიხეილ გოგოლაური;

აფიდავიტი

სატენდერო წინადადების დამოუკიდებლად განსაზღვრის თაობაზე

მე, _____ ქვემოთ
ხელმომწერი, _____

(სახელი, გვარი, პ/ნ)

_____ სახე

ლით,

(პრეტენდენტის დასახელება, საიდენტიფიკაციო ნომერი)

წარვუდგენ რა სატენდერო წინადადებას

(შემსყიდველი ორგანიზაცია და სატენდერო კომისიის დასახელება)

მის

მიერ _____

(ტენდერის გამოცხდების თარიღი და შესყიდვის ობიექტი)

შესყიდვის მიზნით გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

1. ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
 2. უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
 3. ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
 4. ჩემთვის ცნობილია რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
 5. მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - ა) სატენდერო წინადადების ფასი;
 - ბ) სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - გ) სატენდერო წინადადების წარდგენა ან წარდგენისგან თავის შეკავება;
 - დ) ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებულ ტენდერის პირობებს.
 - ე) შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
 6. სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.
- გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

(პრეტენდენტის რეკვიზიტები)

(პრეტენდენტის უფლებამოსილი წარმომადგენლის სახელი, გვარი და ხელმოწერა)

(თარიღი)

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.